

# **Privremena upraviteljica Hercegovačke banke saziva sastanak sa visokim rukovodstvom Banke**

Privremena upraviteljica Hercegovačke banke, Toby Robinson, danas je tražila održavanje sastanka sa bivšim visokim rukovodnim kadrom Banke u cilju što brzeg uspostavljanja praktične saradnje na reviziji poslovanja ove Banke. Konkretnije, Privremena upraviteljica je zatražila sastanke sa direktorom Banke, Ivicom Karlovićem, i predsjedavajućim skupštine Banke, Jozom Marićem.

Privremenu upraviteljicu je prošle sedmice imenovao Visoki predstavnik, Wolfgang Petritsch. Njen zadatak je da provede finansijsku reviziju Banke u cilju zaštite novčanih sredstava građana i interesa fizičkih lica – stediša kod ove Banke.

“Interesi stediša su moj prvi prioritet,” izjavila je Upraviteljica. “A svaki dan koji prodje bez saradnje sa rukovodstvom Banke povlači za sobom sve veću povredu interesa stediša.”

Privremena upraviteljica je izjavila da joj rukovodstvo Banke mora omogućiti potpun i neometan pristup evidenciji Hercegovačke banke, bez čega inače neće moći poduzeti korake potrebne da se deblokiraju trenutno zamrznuti računi. Takođe je podsjetila sve lokalne organe, kao i javne institucije, kao što su bolnice i penzioni fondovi, o njihovoj obavezi da otvore nove račune u alternativnim komercijalnim bankama kako bi osigurali da ne dodje do prekida funkcionisanja javnih službi, koji bi mogao imati dublje posljedice.